

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

135. Intra quod tempus fieri debeat præsentatio.

[urn:nbn:de:hbz:466:1-74485](#)

Questio 134. An, & qualiter presentatus legitime renunciare seu resgnare possit?

Respondeo: posse presentatum ad beneficium jurispatronatus, antequam instituatur ab habente instituere, renunciare presentationi in manibus patronorum, etiam si stetisset per annum; quia iuri ad rem, quale tantum acquiritur per presentationem, etiam a superiori acceptatam ad beneficium, necesse non est renunciare in manibus superiorum. *Corr. l.5.c.1.n.4.* *citans Lamb. l.3.4.5.9.3.* ubi etiam subdat, idem esse, etiam si Episcopus jam admisisset presentationem. Quin & potest idem presentatus non solum renunciare in manibus patronorum, sed & in manibus cuiuscunque simplicis Norarii; quo casu patroni habeant integrum temporis ad presentandum; quia per eos non stetit, quod minus presentatio sit consecuta effectum. *Corrad. ibid.*

PARAGRAPHVS II.

De tempore, quo vel intra quod fieri debet presentatio.

Questio 135. Intra quod tempus fieri debeat presentatio?

1. Respondeo: patrono laico conceduntur 4. menses, Ecclesiastico 6. c. quoniam, c. cum propter c. c. i. t. Patronatu verò mixto ex laicis & Ecclesiasticis, communis sententia tenet, concessum esse semestre; tametsi laici seorsim ab Ecclesiasticis nominarent (saltē dum mixtura aequalis est; dum enim mixtura inaequalis est, attendendam præponderantiam, v.g. si plures sint laici, concessum tantum esse quadri mestre tenet. *Lott. l.2.9.10. n.61. Gonz. &c. apud Card. de Luca de jure p.6.4.n.4.*) quia ratione communionis privilegium concessum Ecclesiasticis communicatur laici. *Leff. l.2.c. 34.n.26. Bass. loc. cit. Barb. juris Eccles. l.3.c.12. n.168.* quam sententiam etsi communem fateatur Castrop. *cit. tr. 13.d.2.p.5. n.2.* citatque pro ea Abb. in c. c. i. t. *Selv. p.3. q.11.n.18. Garc. p.5. c.9.n.210. Ricc. in pr. resol. 458. Barb. p.3. de pot. Ep. alleg. 72.n.131. Vasq. opus de benef. c.2. §.1. du.3.* Ipse tamen probabilius censet, saltē dum laici seorsim ab Ecclesiasticis nominarent; patronatu mixto non concedi nisi quadri mestre. Concedique adhuc semestre patronatu mixto, etiamsi laici essent plures, quam Ecclesiastici, censet Card. de Luca loc. cit. n.4. Vivian. in pr. *Jurisp. 67.c.1.n.9. Paris. de resig. l.2.q.4.n.50. apud Barb. loc. cit. n.169. quamvis ipse id neget de potest. Ep. p.3. alleg. 60.n.17.* cū éisque pro se Pereiram, &c.

2. Porò cum rege non curari de tempore & termino ad presentandum, tam in Episcopatibus, quam alii ex Cabedo de patronatibus regie corona. c. 28.n.5. ait Garc. p.10.c.2. n.34. in fine. Card. de Luca loc. cit. n.13. ait sic usū receptum esse. Idem de summis principibus esse ait Castrop. loc. cit. n.5. rationem hujus hanc dat; quod in regibus & summis principibus præsumatur semper impedimentum ob plura, quibus implicantur negotia, secus ac accedit in aliis patronis, ubi dictum impedimentum; quia non præsumitur, probari debet.

3. Denique dicta de tempore concessio ad presentandum intelligenda tantum esse quoad beneficia simplicia, & secus esse de curatis & parochialibus, siquidem patronos, sive Laici sive Ecclesiastici, sive

seculares sive regulares sint, habentes jus præstāndi ad parochias patronatas teneri intra 20. dies à die verisimilis notitia vacationis capellanos præsentare juxta constitutionem Pii V. (qua incipit: *in conferendis beneficiis, habeturque apud Quarantam in Summar. Bullarii. V. beneficior. paroch. collatio;* & in qua prohibetur exprestè Ordinariis, ne tempus decem dierum eisdem Ordinariis & patronis à Trid. ad nominandum idoneos ad Ecclesiam regendam coram deputatis examinatoribus præfixum, ultra alios 10. dies prorogare præsumant, ac præsentari, examinati & approbati debent intra duos menses à die præsentationis, & habitu examinis institui, alter beneficium devolvi ad Papam) habet Balbus iisdem ferè verbis. *To. 2.v. beneficium §.5.n.5.* de hoc & p. alios nou invenio

Questio 136. Num sufficiat patronum intra tempus sibi datum ad presentandum præstasse à se delectum Ordinario ut examineatur, dum collatio seu institutione facienda est per inferiorem?

Respondeo negativè: sed debet eundem actualiter intra dictum tempus præsentasse coram illo, qui facturus est collationem seu institutionem. *Garc. p.10.c.3.n.6. testans sic resolutum in Mediolan. jurispatr. 22. Maii. 1595.*

Questio 137. An, & à quo concessum à jure tempus patronis ad presentandum abbreviari aut prorogari possit?

1. Respondeo primò: patronus, sive Laicus, sive Ecclesiasticus fuerit, potest cum consentiu Epilopi in limine fundacionis dictum tempus tam prorogare quam abbreviare, v.g. dum est Ecclesiasticus, statuere, ut præsentatio a suis successoribus patronis Ecclesiasticis debeat fieri ante semestre, quia & præfigere præsentationi facienda unicum solum mensem, ut Marius Antonin. *varian. resol. l.1. re. sol. 112. casu 15. vers. 5.* Similiter ut possit fieri post elapsum jam semestre. Et dum patronus est laicus, statuere, ut debeat fieri præsentatio ante, vel ut possit fieri etiam post quadri mestre; potest enim, ut sape dictum, fundator apponere modum vel conditionem non solum circa vel præter, sed etiam contra jus commune, adeoque tenor fundacionis quod ad dictum tempus attendendus & servandus. *Card. de Luca loc. cit. n.14. citans Vivian. l.7.t.1. n.16. Corr. l.4.c.n.2.61. & 62. ubi etiam addit ex Mario. Anton. loc. cit. possit tamen tunc postmodum tempus à fundatore præfixum prolongari ab Epilopo, ut & ab eodem tempus à jure concessum abbreviari; cū contrariorum eadem sit disciplina.* Verum cū in primo ageretur hac ratione contra voluntatem fundatori, in secundo vero contra jus commune, permittens totum illud tempus patrimonio, non video quo modo hoc possit Epilopus; si forte dicatur, quod ait Corrad. loc. cit. n.66. posse judicem ob causam terminum à jure statutum abbreviare & prorogare, ut doctores in l.2. de rejudic. de cetero

2. Respondeo secundò: potest Ordinarius (idem) videtur de inferiore Epilopo habente instituere, prorogare quadri mestre illud & semestre etiam ad aliud semestre; cū prorogatio ista in solius habentis instituere cedat præjudicium, ut pote in cuius favorem determinatio illa temporis à jure facta est, cui favori ipse cedere potest, cū unusquisque rei